

PWYLLGOR ARCHWILIO PARTNERIAETHAU

Cofnodion cyfarfod o'r Pwyllgor Archwilio Partneriaethau a gynhaliwyd yn Town Hall, Parade Street, Llangollen LL20 8PW, Dydd Iau, 8 Hydref 2015 am 9.30 am.

YN BRESENNOL

Y Cynghorwyr Raymond Bartley (Is-Gadeirydd), Jeanette Chamberlain-Jones (Cadeirydd), Meirick Davies, Martyn Holland, Pat Jones, Dewi Owens, Pete Prendergast a/ac Arwel Roberts.

Roedd y Cynghorydd T.R. Hughes yn bresennol fel arsylwr.

HEFYD YN BRESENNOL

Y Prif Weithredwr (MM), Pennaeth y Gwasanaethau Cymorth Cymunedol (PG), Rheolwr Tîm Cynllunio Strategol (LG), Swyddog Comisiynu a Thendro (KN), Cydlynnydd Archwilio (RE) a Swyddog Gweinyddol (CIW).

Hysbysodd y Cadeirydd yr Aelodau bod y Cynghorydd T.M. Parry wedi ymddiswyddo o'i aelodaeth ar y Pwyllgor oherwydd ymrwymadau gwaith.

1 YMDDIHEURIADAU

Y Cynghorwyr W.N. Tasker, H.H. Evans, R.L. Feeley a Chyfarwyddwr Corfforaethol Cymunedau.

2 DATGAN CYSYLLTIAD

Ni fu i unrhyw Aelod ddatgan cysylltiad personol na chysylltiad sy'n rhagfarnu ag unrhyw fusnes a oedd i'w ystyried yn y cyfarfod.

3 MATERION BRYD FEL Y'U CYTUNWYD GAN Y CADEIRYDD

Ni chodwyd unrhyw eitemau y dylid, ym marn y Cadeirydd, eu hystyried yn y cyfarfod fel mater o frys yn unol ag Adran 100B(4) Deddf Llywodraeth Leol, 1972.

4 COFNODION Y CYFARFOD DIWETHAF

Cyflwynwyd Cofnodion cyfarfod y Pwyllgor Archwilio Partneriaethau a gynhaliwyd ddydd Iau, 17 Medi 2015.

Materion yn codi:-

Mewn ymateb i bryderon ei bod yn ymddangos bod swyddogion Bwrdd Iechyd Prifysgol Betsi Cadwaladr (BIPBC) o dan bwysau difrifol o ran amser yn y cyfarfod diwethaf wrth drafod y 'Newidiadau Dros Dro i Wasanaethau Menywod a Mamolaeth yng Ngogledd Cymru', esboniodd y Cydlynnydd Archwilio bod y Bwrdd Iechyd yn awyddus i gwrdd â'r holl Gynghorau yng Ngogledd Cymru fel rhan o'r

ymgyngoriad ar y newidiadau arfaethedig, ac oherwydd bod cyfarfod Arbennig o'r Cyngor Sir eisoes wedi'i drefnu gyda swyddogion BIPBC ar ystod o faterion yn cael ei gynnal deuddydd ar ôl y dyddiad cau ar gyfer yr ymgynghoriad penodol hwn, roedd y Pwyllgor Archwilio Partneriaethau wedi cytuno i drafod yr eitem fusnes yn ei gyfarfod. Roedd yn anffodus, fel rhan o'r un ymgynghoriad, bod angen i swyddogion BIPBC fod yn Nolgellau ar gyfer digwyddiad ymgynghori yn gynnar yn y prynhawn.

Hysbysodd y Prif Weithredwr yr Aelodau ei fod wedi ysgrifennu at Gyfarwyddwr Ardal BIPBC, yn dilyn cyfarfod y Cyngor Arbennig ar 7 Hydref, yn crynhoi pryderon a godwyd gan yr Aelodau yn y cyfarfod hwnnw ar ystod o faterion iechyd a gofal cymdeithasol. Cadarnhaodd hefyd y byddai'n gofyn i'r Grŵp Cadeiryddion ac Is-gadeiryddion Archwilio ystyried a oedd y materion canlynol yn haeddu sylw'r pwyllgor archwilio:-

- datblygiad arfaethedig Ysbyty Brenhinol Alexandra ac unrhyw risg posibl i'r datblygiad (hy y sefyllfa bresennol, yr opsiynau arfaethedig a'r amserlen bosibl);
- pryderon ynghylch argaeledd gofal sylfaenol yn ardal Prestatyn o Ebrill 2016 ymlaen (gan gynnwys darpariaeth amgen posibl);
- Adroddiad y Gwasanaeth Cyngori ar Iechyd a Gofal Cymdeithasol (HASCAS) i'r methiannau gofal a thriniaeth cleifion ar Ward Tawelfan yn Ysbyty Glan Clwyd - ystyried canfyddiadau'r adroddiad o safbwynt trigolion Sir Ddinbych ac unrhyw wersi posibl i'r Cyngor;

Dywedodd y Cydlynnydd Archwilio bod y GCIGA i fod i gyfarfod yr wythnos ganlynol a byddai'r cynigion i edrych ar y materion yn cael eu hystyried yn y cyfarfod hwnnw.

O ran y wybodaeth ychwanegol y gofynnwyd amdani gan gynrychiolwyr BIPBC yng nghyfarfod y Pwyllgor ym mis Medi, dywedodd y Cydlynnydd Archwilio bod cais ffurfiol wedi ei wneud am y wybodaeth ond hyd yma nad oedd wedi dod i law.

PENDERFYNWYD – yn amodol ar yr uchod, derbyn a chymeradwyo'r cofnodion fel cofnod cywir.

5 CYNLLUN COMISIYNU LLEOL CEFNOGI POBL

Roedd copi o adroddiad gan y Swyddog Comisiynu a Thendro, oedd yn rhoi manylion y Cynllun Comisiynu tair blynedd ar gyfer y Rhaglen Cefnogi Pobl yn Sir Ddinbych, wedi ei ddsbarthu gyda'r papurau ar gyfer y cyfarfod.

Cyflwynodd y Pennaeth Gwasanaethau Cefnogi Cymunedol yr adroddiad a dywedodd wrth y Pwyllgor fod y Cyngor yn cynllunio tuag at 10% o doriad yn y grant Cefnogi Pobl gan Lywodraeth Cymru (LIC) ar gyfer 2016-17. Gan na fyddai swm gwirioneddol o arian grant yn cael ei gyhoeddi tan ddiwedd mis Tachwedd eleni roedd gan y Cyngor gynlluniau wrth gefn hefyd rhag ofn y byddai'r toriad cyllid gwirioneddol yn uwch na'r 10%. Cadarnhaodd y Swyddog Comisiynu a Thendro y bydd y Cynllun Comisiynu Lleol yn cael ei gyflwyno i Bwyllgor Cydweithredol Rhanbarthol Cefnogi Pobl Gogledd Cymru ym mis Ionawr 2016, i ategu datblygiad Cynllun Comisiynu Rhanbarthol Gogledd Cymru.

Roedd yr adroddiad yn amlinellu'r sefyllfa bresennol, cost ac effaith ar wasanaethau eraill, canfyddiadau'r Aseiad o'r Effaith ar Gydraddoldeb a gwblhawyd ar gyfer y Cynllun Comisiynu Lleol yn 2013, manylion yr ymgynghoriadau a gynhaliwyd a risgiau a'r camau a gyflwynwyd i'w lleihau.

Ystyriodd y Pwyllgor Atodiad 1 i'r adroddiad, a chytunwyd bod y cyfarfod yn symud at RAN II.

RHAN II

GWAHARDD Y WASG A'R CYHOEDD

PENDERFYNWYD - dan ddarpariaethau Adran 100A Deddf Llywodraeth Leol 1972, gwahardd y Wasg a'r Cyhoedd o'r cyfarfod ar gyfer yr eitemau busnes canlynol ar y sail y byddai gwybodaeth eithriedig yn debygol o gael ei datgelu fel y'i diffinnir ym Mharagraffau 14 ac 15 Rhan 4 Atodlen 12A o Ddeddf Llywodraeth Leol 1972.

Gan ymateb i gwestiynau'r aelodau ar y cynigion sy'n cael eu hystyried ar gyfer torri grantiau Cefnogi Pobl i sefydliadau unigol, a restrir yn Atodiad 1 i'r adroddiad, cadarnhaodd swyddogion:-

- bod y meini prawf ar gyfer cyllid grant Cefnogi Pobl yn rhagnodol iawn ac felly roedd gwaith manwl wedi ei wneud i sicrhau bod y cyllid a ddarperir yn cael ei ddefnyddio gan bob sefydliad at ei ddiben, a'i fod yn cydymffurfio â'r meini prawf Cefnogi Pobl;
- Fel rhan o'r ad-drefnu prosesau ariannu grant, dyblygu darpariaeth, cydymffurfio ag amodau grant ac a yw'r prosiectau'n gefnogol i'r agenda ymyrraeth gynnar bydd y cyfan yn cael eu harchwilio'n fanwl. Mae'r prosesau monitro contractau a weinyddir gan CP yn sicrhau nad yw sefydliadau'n derbyn arian ar gyfer yr un prosiect o ffrydiau ariannu gwahanol;
- roedd cyrff cyhoeddus eraill, megis y Bwrdd Iechyd hefyd yn edrych ar resymoli eu prosesau a chronni eu ffrydiau ariannu;
- rhan o'r broses dendro ar gyfer gwneud cais i gyflwyno gwasanaethau ar ran y Cyngor yn cynnwys archwiliadau ariannol llym ar y sefydliadau a oedd yn gwneud cais;
- unwaith y byddai cytundeb yn cael ei ddyfarnu byddai'n cael ei fonitro'n rheolaidd i sicrhau ei fod yn cyflawni'r amcanion yn unol â manyleb y contract, rhan ohono oedd yn cynnwys dadansoddiad gwerth am arian er mwyn sicrhau ei fod yn darparu gwasanaethau sy'n ychwanegu gwerth i fywydau trigolion Sir Ddinbych;
- nid oedd y Grant Cefnogi Pobl fel arfer yr unig ffynhonnell ariannu sefydliad, gan fod arian grant Cefnogi Pobl yn cael ei ddyrannu at ddibenion penodol;
- roedd swyddogion yn gwasanaethu ar nifer o wahanol grwpiau o fewn y Cyngor a chyda sefydliadau partner h.y. Bwrdd Iechyd ac felly'n gallu ffurfio barn ar y cyd a phenderfyniadau ar geisiadau am gyllid;
- system gyfeirio llwybr sengl yn cael ei weithredu a oedd yn helpu'r Cyngor i benderfynu a yw unigolion a wnaeth gais i gael mynediad i'w wasanaethau yn cael cymorth tebyg gan sefydliadau eraill. Roedd cynlluniau yn eu lle i sicrhau bod hyn yn cael ei integreiddio'n llawn â'r Un Pwynt Mynediad Gwasanaethau Cymorth Cymunedol;

- Roedd Cefnogi Pobl wedi lleihau'r contractau y mae'n eu cynnal gyda sefydliadau unigol, tra yn y gorffennol, gall sefydliad fod wedi cael contractau lluosog gyda Chefnogi Pobl ar gyfer darparu gwasanaethau, nawr byddai ganddo un contract cyffredinol gyda phob elfen unigol o'r contract yn cael ei fonitro fel rhan o'r broses monitro contractau.

Pwysleisiodd yr Aelodau yr angen cyffredinol i lywodraeth ganolog symleiddio'r system cyllid grant i'w gwneud yn haws i'w deall ac yn llai dryslyd a chymhleth ar gyfer Awdurdodau Lleol (ALI) a'r cyhoedd yn gyffredinol. Byddai dull o'r fath yn helpu i adnoddau gwerthfawr gael eu defnyddio'n llawer mwy doeth ac felly'n gwneud y mwyaf o'u heffaith i'r trethdalwr.

Cyfeiriodd y Prif Weithredwr at ddull yr Alban lle mai dim ond dau grant sydd bellach yn cael eu dosbarthu gan Lywodraeth yr Alban, a'r gweddill wedi cael ei ymgorffori yn y Grant Cynnal Refeniw a ddyfarnwyd i bob ALI. Roedd y dull hwn yn cynorthwyo ALIau gyda'u trefniadau cynllunio ariannol gan y byddai ychydig iawn o elfennau o'u cyllidebau yn ddibynnol ar ddyfarnu grantiau annibynnol ar gyfer swyddogaethau penodol y Cyngor. Roedd Cyfarwyddwr Adnoddau Cymdeithas Llywodraeth Leol Cymru wedi mynychu cyfarfod o'r Pwyllgor Archwilio Cymunedau yn ddiweddar i drafod y dull hwn a'i fanteision i ALIau. Awgrymodd y Prif Weithredwr efallai y byddai aelodau am drafod yr agwedd hon ymhellach mewn gweithdy Cyllideb yn y dyfodol.

Gofynnodd yr Aelodau fod yr adroddiad i'r Cabinet: -

- yn cynnwys colofn yn Atodiad 1 yn tynnu sylw at pa un a yw'r arian Grant CP yr unig ffynhonnell incwm gan sefydliad;
- gwybodaeth am yr effaith a ragwelir ar bob sefydliad o'r toriad posibl yn eu cyllid grant Cefnogi Pobl;
- nodi'r sefydliadau hynny a oedd wedi bod yn destun toriadau mewn blynyddoedd blaenorol.

Ar y pwynt hwn parhaodd y cyfarfod gyda RHAN I.

RHAN I

Ar ddiwedd y drafodaeth:-

PENDERFYNWYD - yn amodol ar gynnwys y sylwadau a'r diwygiadau uchod, bod yr adroddiad yn cael ei gyfeirio at y Cabinet i'w ystyried yn y man.

6 CYNLLUN LLES

Roedd copi o adroddiad gan Reolwr y Tîm Cynllunio Strategol, a oedd yn rhoi'r wybodaeth ddiweddaraf am ganfyddiadau gwerthusiad o chwe mis cyntaf 20 prosiect uchaf Sir Ddinbych a gwybodaeth am y prosiect a gychwynnwyd gan Gynllun Lles Sir Ddinbych a oedd wedi ei gyhoeddi ym mis Rhagfyr, 2014, **wedi** ei ddsbarthu gyda'r papurau ar gyfer y cyfarfod.

Cyflwynodd y RhTCS yr adroddiad a chyfeiriodd at y broses a ddilynir gan Fwrdd Partneriaeth Strategol y Sir wrth ddatblygu Cynllun Lles Sir Ddinbych, sy'n canolbwyntio ar Annibyniaeth a Gwydnwch: Dywedodd wrth yr Aelodau ei bod yn rhy gynnar ar hyn o bryd i roi adroddiad cynnydd ar y cynllun cyfan, serch hynny roedd swyddogion yn awyddus i geisio cefnogaeth y pwyllgor archwilio ar gyfer prosiect yr oeddent yn ei dreialu fel rhan o'r Cynllun. O dan Gynllun Lles Prosiect 20 Uchaf Sir Ddinbych roedd partneriaid yn gweithio gyda'i gilydd i gefnogi unigolion hynod ddiamddiffyn gyda golwg ar eu hatal rhag gorfod gofyn am gymorth diangen gan y gwasanaethau argyfwng/ dwys yn ddiweddarach, yn y mwyafrif o achosion mae'r galw ar y gwasanaethau drud hyn yn amhriodol.

Fel rhan o'r prosiect byddai'r ugain o unigolion mwyaf diamddiffyn sy'n hysbys i bob sefydliad partner, nad oedd yn ymddangos bod gwasanaethau o ddydd i ddydd partneriaid yn cyflawni'r canlyniadau a ddymunir neu nad oedd yn bodloni'r meini prawf ar gyfer y gwasanaethau sydd ar gael er eu bod angen cefnogaeth yn y Sir, yn cael ei nodi ar y cyd. Roedd y prosiect hefyd yn anelu at osgoi dyblygu gwasanaethau drwy weithio'n fwy effeithiol gyda'i gilydd.

Cytunodd y Pwyllgor wrth ystyried Atodiad 2 "Gwerthuso Adroddiad Crynodeb 20 Uchaf Sir Ddinbych" bod y cyfarfod yn symud i RAN II.

RHAN II

GWAHARDD Y WASG A'R CYHOEDD

PENDERFYNWYD - dan ddarpariaethau Adran 100A Deddf Llywodraeth Leol 1972, gwahardd y Wasg a'r Cyhoedd o'r cyfarfod ar gyfer yr eitemau busnes canlynol ar y sail y byddai gwybodaeth eithriedig yn debygol o gael ei datgelu fel y'i diffinnir ym Mharagraffau 14 ac 15 Rhan 4 Atodlen 12A o Ddeddf Llywodraeth Leol 1972:

Roedd cymhlethdod y gwaith ymyrryd gyda'r unigolion hyn wedi'i ddangos drwy nifer o astudiaethau achos, yn ogystal â'r ymdrech a'r amser sydd ei angen i adeiladu perthynas gyda rhai o'r unigolion. Roedd nifer o rwystrau hefyd angen cael eu trafod rhwng partneriaid wrth geisio cefnogi'r unigolion hyn, roedd y rhain yn cynnwys:-

- amharodrwydd i rannu data personol, er ei fod er lles yr unigolyn;
- y math o wybodaeth a gedwir gan wahanol bartneriaid yn amrywio'n sylweddol, gyda rhai yn cadw gwybodaeth ar yr unigolion tra bod eraill yn cadw gwybodaeth am gyfeiriadau ac nid yr unigolion yn y cyfeiriadau hynny;

Ar ôl ystyried Atodiad 2 aeth y cyfarfod yn ei flaen yn RHAN I.

Pwysleisiodd swyddogion mai nod tymor hir y prosiect oedd arbed adnoddau ariannol gwerthfawr ac adnoddau eraill i bob partner. I wneud hyn roedd yn rhaid iddynt fod yn arloesol ac yn ymyrryd ar y cyfle cyntaf sydd ar gael. Wrth wneud hyn roedd yn rhaid i bartneriaid edrych y tu hwnt i'w protocolau a bod yn greadigol, fel arall byddai adnoddau gwerthfawr yn cael eu draenio.

Mewn ymateb i gwestiynau gan yr Aelodau, dywedodd y swyddogion:-

- Mae angen cael gwared ar y rhwystrau er mwyn adeiladu'r lefel uchel o gydymddiriedaeth sydd ei angen rhwng yr holl bartneriaid i sicrhau bod gwybodaeth yn cael ei rhannu'n hyderus ac yn briodol i hwyluso ymyrraeth gynnar;
- amcan y prosiect hwn oedd i beidio â chreu strwythur arall, ond i hwyluso gweithio ar y cyd ac yn effeithiol ar gyfer y diben o gefnogi unigolion dan sylw, ac i arbed costau diangen i'r pwrs cyhoeddus yn y tymor hir;
- roedd y ffaith bod Heddlu Gogledd Cymru yn arwain ar y prosiect yn helpu i hwyluso'r broses o rannu gwybodaeth a sicrhau, os nad yw un partner yn fodlon rhannu gwybodaeth ar unigolyn ei bod yn ofynnol iddynt roi rheswm dilys dros ei ddal yn ôl;
- Gallai'r lefel uchel o gydymddiriedaeth a adeiladwyd trwy'r prosiect hwn ond bod o fudd i'r holl bartneriaid yn y tymor hir a byddai'n gwella perthnasau gwaith ar gyfer y dyfodol;
- roedd y prosiect ar hyn o bryd ond yn cael ei dreialu yn Sir Ddinbych, ond roedd y Prif Gwnstabl yn awyddus i'w gyflwyno i ardaloedd eraill gan ei fod yn gweld y manteision o fabwysiadu'r dull ymyrryd yn gynnar; ac
- roedd Swyddfa Archwilio Cymru, a oedd newydd archwilio'r Bartneriaeth Diogelwch Cymunedol (PDC) yn meddwl am gynnwys y prosiect fel astudiaeth achos yn ei adroddiad archwilio ar y Bartneriaeth Diogelwch Cymunedol.

Cyn cloi'r drafodaeth dywedodd yr aelodau sut y mae'r 'diwylliant iawndal' ac unigolion yn ofnus o gael eu cyhuddo ar gam o drosedd nawr wedi gwneud pobl yn hynod o betrusgar o gynnig help llaw i bobl ddiamddiffyn, neu i blant, fel y byddai wedi digwydd flynyddoedd yn ôl. Roedd yn ymddangos fel pe bai gwedd cymdeithas gyfan yn ymddatod, gyda'r cysyniad o fod yn gymdogol a chefnogi pobl o fewn cymunedau'n erydu. Mae pobl y dyddiau hyn yn disgwyl i sefydliadau ddarparu gwasanaethau a ddarparwyd o fewn cymunedau yn y gorffennol, gwasanaethau sy'n lliniaru yn erbyn y risg o ynysu cymdeithasol ac unigrwydd.

Yn dilyn trafodaeth bellach:-

PENDERFYNWYD - yn amodol ar y sylwadau uchod, bod y Pwyllgor yn cefnogi'r gwaith a wnaed hyd yn hyn a'r cynnig i barhau â'r gwaith hwn, ac yn argymhell bod y prosiect yn:-

- (i) ailedrych ar ei aelodaeth a'i amcanion i sicrhau bod dealltwriaeth ac ymrwymiad cyffredin gan bob partner i roi cynnig ar ddulliau creadigol a newydd a thrafod beth y gall ac na all pob asiantaeth ei wneud ac ati;
- (ii) ystyried cost peidio â gweithredu yn erbyn cost adfer y sefyllfa wrth benderfynu pa gamau gweithredu i'w cymryd;
- (iii) sicrhau bod eglurder ynghylch sut y gellir gweithredu ymyriad aml-asiantaeth i ychwanegu gwerth at achos ac os na fydd yn gweithio, pryd i roi'r gorau;
- (iv) ail-sefydlu matrices manwl, cofnodi camau gweithredu mwy disgrifiadol, gofyn yn rhagweithiol am enwebiadau, darparu enwau unigolion a enwebir cyn cyfarfodydd a sicrhau bod 20 o bobl wedi eu nodi a'u cytuno ar gyfer cefnogaeth;
- (v) ystyried cael cyllideb ar y cyd;

- (vi) yn sefydlu Protocol Rhannu Gwybodaeth sy'n cydymffurfio â Chytundeb Rhannu Gwybodaeth Bersonol Cymru i ddatrys rhwystrau rhannu gwybodaeth a datblygu ffurflen ganiatâd i'w defnyddio gydag unigolion;
- (vii) oherwydd ei broffil uchel yn deall sut y bydd yn rheoli ei negeseuon;
- (viii) gwerthuso'r dysgu o bob achos hyd yn hyn;
- (ix) gofyn i bob sefydliad roi caniatâd i'w cynrychiolwyr wneud penderfyniadau, defnyddio adnoddau a gwyro o'r polisi a'r arfer traddodiadol;
- (x) deall sut y gall yr hyn a ddysgir lywio ymyrraeth ac ataliad cynnar (mae'r themâu cyffredin yn cynnwys: unigrwydd ac ynysu cymdeithasol; camddefnyddio alcohol; rhwydweithiau cymunedol gwael; galw mawr gyda'r nos ac ar benwythnosau); ac
- (xi) mae angen i lywodraethu fod yn fwy cadarn.

7 RHAGLEN WAITH ARCHWILIO

Roedd copi o adroddiad gan y Cydlynnydd Archwilio, a oedd yn gofyn i'r Pwyllgor adolygu a chytuno ar ei Raglen Gwaith i'r Dyfodol ac yn rhoi diweddariad ar faterion perthnasol, wedi ei ddsbarthu gyda'r papurau ar gyfer y cyfarfod.

Roedd copi o 'ffurflen ar gyfer cynigion Aelodau' wedi ei chynnwys yn Atodiad 2, roedd Rhaglen Gwaith i'r Dyfodol y Cabinet wedi'i chynnwys yn Atodiad 3 ac roedd tabl yn rhoi crynodeb o benderfyniadau diweddar y Pwyllgor a'r cynnydd a wnaed o ran eu gweithrediad wedi ei gynnwys yn Atodiad 4.

Rhoddodd y Pwyllgor ystyriaeth i ddrafft o'i Raglen Gwaith i'r Dyfodol ar gyfer cyfarfodydd y dyfodol, Atodiad 1, a chytunwyd ar y newidiadau a'r ychwanegiadau canlynol:-

26 Tachwedd 2015:-

- Cytunodd yr Aelodau fod eitem fusnes sy'n ymwneud â'r cynigion ar gyfer datblygu Ysbyty Cymunedol, Royal Alexandra, y Rhyl yn y dyfodol yn cael ei chynnwys yn rhaglen gwaith i'r dyfodol y Pwyllgor ar gyfer y cyfarfod ym mis Tachwedd, a bod cynrychiolwyr BIPBC yn cael eu gwahodd i fod yn bresennol.
- Eglurodd y Cydlynnydd Archwilio fod cadarnhad wedi ei dderbyn y bydd cynrychiolwyr Gwasanaeth Tân ac Achub Gogledd Cymru, yn mynychu'r cyfarfod.
- Cytunodd y Pwyllgor y dylid gwahodd yr Aelodau Arweiniol priodol i fynychu'r cyfarfod ar 26 Tachwedd 2015 i gyflwyno eu hadroddiadau.

14 Ionawr 2016:-

- Roedd y Cadeirydd wedi cytuno i gais gan swyddogion fod yr adroddiad ar yr eitem fusnes sy'n ymwneud ag "Un Pwynt Mynediad" yn cael ei ohirio o'r cyfarfod presennol tan cyfarfod y Pwyllgor ar 14 Ionawr 2016. Byddai hyn yn galluogi cynnwys gwybodaeth am gais diweddar oedd yn ymwneud â'r Gweithlu Gofal Sylfaenol. Cytunodd yr Aelodau hefyd, ar ôl derbyn cais gan yr Aelod Arweiniol y Cynghorydd R L Feeley, y byddai'n fuddiol i gynnal y cyfarfod yn y Rhyl ac ymweld â staff Un Pwynt Mynediad.

Eglurodd y Cydlynnydd Archwilio fod y Cynghorydd W N Tasker wedi ymddiswyddo o'i swydd yn ddiweddar fel cynrychiolydd y Pwyllgor ar y Grŵp Cydraddoldeb Corfforaethol, ac roedd Cylch Gorchwyl y Grŵp wedi'i gynnwys fel Atodiad 5. Cytunodd yr Aelodau y dylid penodi'r Cynghorydd D. Owens i wasanaethu ar y Grŵp Cydraddoldeb Corfforaethol fel cynrychiolydd y Pwyllgor , a bod y Cynghorydd M L Holland yn cael ei benodi fel dirprwy.

Cytunodd y Pwyllgor, yn dilyn ymddiswyddiad y Cynghorydd T M Parry fel aelod o'r Pwyllgor, y dylid oedi cyn ystyried penodi cynrychiolwyr ar y Grwpiau Herio Gwasanaethau Priffyrdd ac Addysg hyd nes penodi Aelodau ar gyfer y ddwy swydd wag ar y Pwyllgor.

Hysbyswyd yr Aelodau fod cyfarfod nesaf y Grŵp Cadeiryddion ac Is-gadeiryddion wedi'i drefnu ar gyfer 15 Hydref 2015.

Yn dilyn trafodaeth bellach:-

PENDERFYNWYD - yn amodol ar yr uchod, cymeradwyo'r Rhaglen Waith fel y caiff ei hamlinellu yn Atodiad 1 yr adroddiad.

8 ADBORTH GAN GYNRYCHIOLWYR Y PWYLLGOR

Ni dderbyniwyd unrhyw adroddiadau gan gynrychiolwyr y Pwyllgor.

Daeth y cyfarfod i ben am 11.10am.